

Broj: 05-02-4-1328/24
Mostar, 27.08.2024.godine

Bosna i Hercegovina
Federacija Bosne i Hercegovine
PARLAMENT FEDERACIJE
PREDSTAVNIČKI DOM
n/r g-din, Ivan Miličević, sekretar
n/r g-din, Admir Čavalić, delegat

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primiteno:		06-09-2024	
Org. jed.	Broj	Priloga	Vrijednost
05/1	-02-	409	/24

VLADA FEDERACIJE BiH
n/r g-đa, Edita Kalajdžić, sekretar Vlade

Predmet: **Zastupničko pitanje**, odgovor dostavlja se

Poštovani,

U prilogu akta Vlade Federacije Bosne i Hercegovine broj: 03-04-1204-39/2024 od 03.07.2024. godine, ovom Ministarstvu je na nadležno postupanje dostavljeno zastupničko pitanje koje je na 12. redovnoj sjednici Predstavničkog doma Parlamenta Federacije Bosne i Hercegovine, održanoj 26.06.2024. godine postavio uvaženi zastupnik Admir Čavalić.

Pitanje glasi:

Zahvaljujem predsjedavajući, lijep pozdrav svima.

Imam nekoliko pitanja i inicijativa.

Dakle, prvo pitanje za Ministarstvo finansija.

Da li Federacije BiH planira značajnija jednostrana zaduženja u ovoj godini ako da pod kojim uslovima, zašto u koju svrhu i u kojim iznosima?

Također zanima me koliko je koštao kreditni rejting koji smo ostvarili kod kreditne Agencije Standard end pors, koliko je to plaćeno od strane pretpostavljam Ministarstva finansija? Dakle volio bih tačnu cifru i da li je to, da li je taj dakle, koja je svrha u ovom trenutku tog rejtinga kojeg ne osporavam, da li da ga koristimo zarad budućih inostranih zaduženja?

Drugo pitanje tiče se naravno Južne interkonekcije, zanima me Vlada Federacije BiH je navela da će to biti u martu, pa mislim da je navela da će biti u aprilu. Da li ćemo ikada dobiti taj prijedlog zakona u parlamentarnu proceduru prije svega u Zastupnički dom Federacije BiH od strane Vlade Federacije BiH? Ovo je pitanje za Vladu Federacije BiH.

Treće pitanje, kolega Purić je spominjao fiskalne zakone, ja molim Vladu Federacije BiH, odnosno Ministarstvo finansija da nam barem uruče nacрте fiskalnih zakona. Znamo da od nacрта ne mora biti ništa, ali bilo bi dobro pa čak i pi arovski za ovu Vladu u izbornoj godini da isporuče barem nacрта fiskalnih zakona da mi to

usvojimo da neko, da raspravljamo o tome godinu dana pa makar da krenemo od mrtve tačke. Za sada nemamo ništa u parlamentarnoj proceduri dakle, nemamo ni prijedloge koji su povučeni, nemamo ni nacрте zakona.

Također zanima me vezano za ovu Uredbu o jednokratnoj pomoći, da li Vlada Federacije BiH ima bilo kakvu zvaničnu statistiku o tome koliko je poslodavaca, odnosno radnika iskoristilo jednokratnu pomoć od 2.550 KM?

Odgovor : (za dio pitanja koji se odnosi na Zakon o gasovodu „Južna interkonekcija Bosna i Hercegovina i Republika Hrvatska“)

Podsjetimo, Federalno ministarstvo energije, rudarstva i industrije je aktom, broj: 05-02-1-1462/20, uputilo Vladi Federacije Bosne i Hercegovine na razmatranje i usvajanje Nacrt Zakona o gasovodu „Južna interkonekcija Bosna i Hercegovina i Republika Hrvatska“ (u daljem tekstu Nacrt Zakona), a Vlada Federacije Bosne i Hercegovine je na 291. sjednici Vlade Federacije Bosne i Hercegovine (u daljnem tekstu Vlada Federacije BiH), održanoj 18.11.2021. godine u Sarajevu utvrdila Prijedlog navedenog zakona i isti dostavila Parlamentu Federacije Bosne i Hercegovine na razmatranje i usvajanje.

Predstavnički dom Parlamenta Federacije Bosne i Hercegovine je na 28. redovnoj sjednici održanoj 21.12.2021. godine usvojio Prijedlog Zakona o gasovodu „Južna interkonekcija Bosna i Hercegovina i Republika Hrvatska“ (Prijedlog Zakona) sa tri amandmana Vlade Federacije BiH i četiri amandmana koje je Vlada Federacije BiH prihvatila. Dom naroda Parlamenta Federacije Bosne i Hercegovine je na 11. izvanrednoj sjednici od 31.3.2022. godine skinuo s dnevnog reda Prijedlog Zakona i isti nije razmatran.

Vlada Federacije BiH u skladu sa Zaključkom Vlade Federacije Bosne i Hercegovine V. broj: 661/2023 od 04.05.2023. godine je povukla sve nacрте i prijedloge zakona kao i druge akte iz parlamentarne procedure uključujući i Prijedlog Zakona o gasovodu „Južna interkonekcija Bosna i Hercegovina i Republika Hrvatska“, te zadužila federalne ministre za očitovanje o daljnjem statusu zakona i drugih akata. U skladu sa tačkom 3. naprijed navedenog Zaključka federalni ministri su zaduženi da se očituju o daljnjem statusu zakona i drugih akata.

Shodno navedenom, Federalno ministarstvo energije, rudarstva i industrije je posebno uvažavajući prethodno pribavljena pozitivna mišljenja nadležnih tijela na tekst Nacrta Zakona aktom, broj: 05-02-1-1462/20 od 01.06.2023. godine, dostavilo Vladi Federacije BiH na razmatranje i usvajanje Nacrt Zakona odnosno utvrđivanje Prijedloga Zakona o gasovodu „Južna interkonekcija Bosna i Hercegovina i Republika Hrvatska“.

Dostavljeni tekst Nacrta Zakona je izvorni tekst Nacrta Zakona koji je Vlada Federacije Bosne i Hercegovine razmatrala na 291. sjednici održanoj 18.11.2021. godine, kojom prilikom je utvrdila Prijedlog Zakona, zajedno sa obrazloženjem i mišljenjima nadležnih tijela.

Napominjemo, da navedeni tekst Nacrta Zakona ne uključuje amandmane koji su prihvaćeni na 28. redovnoj sjednici Predstavničkog doma Parlamenta Federacije Bosne i Hercegovine, održanoj 21.12.2021. godine.

U međuvremenu su zaprimljeni prijedlozi:

- Klub SDA u Predstavničkom domu Parlamenta Federacije BiH dostavio je Prijedlog Zakona o gasovodu „Južna interkonekcija Bosna i Hercegovina i Republika Hrvatska“- hitni postupak.

- delegat Damir Džeba u ime delegata HDZBiH-HNS u Domu naroda Parlamenta Federacije Bosne i Hercegovine podnio je Nacrt Zakona o gasovodu „Južna interkonekcija Bosna i Hercegovina i Republika Hrvatska“.

Vlada Federacije BiH je razmatrala Informaciju o Prijedlogu Zakona o gasovodu „Južna interkonekcija Bosna i Hercegovina i Republika Hrvatska“ - hitni postupak dostavljenog od Kluba SDA u Predstavničkom domu Parlamenta Federacije Bosne i Hercegovine i tom prilikom donijela Zaključak V. broj:610/2024 od 22.04.2024. godine kojim se između ostalog navodi:

„Vlada Federacije Bosne i Hercegovine će u što skorijem periodu razmatrati Nacrt Zakona o gasovodu „Južna interkonekcija Bosna i Hercegovina i Republika Hrvatska“ uvažavajući i amandmane koji su usvojeni na Predstavničkom domu Parlamenta Federacije Bosne i Hercegovine na 28. redovnoj sjednici održanoj 21.12.2021. godine kojom prilikom je usvojen Prijedlog Zakona na Predstavničkom domu Parlamenta Federacije Bosne i Hercegovine.

Vlada Federacije Bosne i Hercegovine je mišljenja da se u Parlament Federacije Bosne i Hercegovine na razmatranje i usvajanje treba uputiti tekst Prijedloga Zakona o gasovodu „Južna interkonekcija Bosna i Hercegovina i Republika Hrvatska“ utvrđen od strane Vlade Federacije Bosne i Hercegovine, a ne tekst Prijedloga Zakona - hitni postupak pripremljen od strane Kluba SDA u Predstavničkom domu Parlamenta Federacije Bosne i Hercegovine.”

Pored navedene informacije za Vladu Federacije Bosne i Hercegovine pripremljena je Informacija o pitanjima značajnim za utvrđivanje Prijedloga Zakona o gasovodu „Južna interkonekcija Bosna i Hercegovina i Republika Hrvatska“ i realizaciju Projekta „Južna interkonekcija Bosna i Hercegovine i Republika Hrvatska“.

S tim u vezi, očekujemo da će Vlada Federacije Bosne i Hercegovine, u što skorijem periodu, uspjeti iznaći i uputiti u parlamentarnu proceduru Zakonsko rješenje kojim će kvalitetno urediti pitanja od značaja za realizaciju projekta izgradnje gasovoda „Južna interkonekcija Bosna i Hercegovina i Republika Hrvatska“, uključujući infrastrukturu projekta, tačku interkonekcije, investitora, način finansiranja, javni interes i provedbu eksproprijacije nekretnina, korištenje zemljišta, upravne postupke izdavanja dozvola i uključenost vlada kantona, nadležnih ministarstava i drugih organa uprave, institucija i privrednih društava i druga pitanja od značaja za realizaciju projekta.

S poštovanjem,


MINISTAR
Vedran Lakić

Dostaviti:

- Naslovu,
- evidenciji i
- a/a

Broj:02-700/24
Tuzla, 03.09.2024. godine

Bosna i Hercegovina
Federacija Bosne i Hercegovine
Parlament Federacije
Zastupnički dom

n/r Tajnik
Ivan Miličević

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		06-09-2024	
Org. jed.	Broj	Priloga	Vrijednost
05/1	-02-	446	/24

Predmet: Izjašnjenje-dostavlja se.

Veza: Predmet: Zastupničko pitanje, broj 05/1-02-446/24 od 25.07.2024. godine

Poštovani,

U skladu sa vašim zahtjevom, dostavljamo vam odgovor na poslaničko pitanje postavljeno od strane zastupnika Admira Čavalića na redovnoj 13. sjednici Zastupničkog doma Parlamenta Federacije BiH. Pitanje se odnosi na organizaciju prevoza i tretmana onkoloških pacijenata s područja Tuzlanskog kantona u drugim kantonima Federacije Bosne i Hercegovine.

Odgovor Klinike za onkologiju i radioterapiju:

- Pacijenti sa područja Tuzlanskog kantona nemaju obezbijeđen prevoz za potrebe tretmana zračenjem u drugim kantonima FBiH, ali nakon obavljenog radioterapijskog tretmana, pacijenti imaju mogućnost refundacije putnih troškova preko Zavoda zdravstvenog osiguranja i reosiguranja TK.
- Na mjesečnom nivou u Kantonalnu bolnicu Zenica se upućuje 20 pacijenata, te u SKB Mostar 15 pacijenata. Trenutno su na listi čekanja 82 pacijenta za KB Zenica i 4 pacijenta za SKB Mostar. Zbog produženja procesa instalacije novog CT simulatora na Odjelu radioterapije Kantonalne bolnice Zenica, pružanje radioterapijskih usluga u Kantonalnoj bolnici Zenica će biti privremeno reducirano i prilagođeno trenutnim tehničkim mogućnostima.
- KCUS Sarajevo zbog zamjene dva aparata za zračenje (linerana akceleratora) ne tretira pacijente sa Tuzlanskog kantona koji idu preko Klinike za onkologiju i radioterapiju.

S poštovanjem.

Uradio:
Tajnik Kunić, bachelor prava, Referent za pravne poslove

Kontrolisao:
Ajla Crmkić, MA iur., Šef službe za pravne poslove,

Armin Hurić, MA iur., VD Načelnik Sektora za pravne poslove i ljudske resurse

Dostaviti:

1x Naslovu,
1x A/A.



V.D. DIREKTOR
Prof.dr.med.sci. Šekib Umihanić